

Caso di atentado

Tiramento riba cas di mayornan di Pader Lampe

ORANJESTAD.(AAN) Recientemente, segun informe cu a yega na oido di autoridatnan competente, tabata tin un caso serio di losmento di tiro riba cas di mayornan di pader Rudy Lampe.

Relaciona cu e caso aki tin investigacionnan profundo ta tumando lugar pa determina si lo tin un of mas persona of grupo involvi den un asina yama posibel atentado contra Pader Lampe.

E caso a keda te ainda hermetico sera ya cu segun informe, autoridatnan no kier pa bisa nada particular riba e caso aki.

No ta conoci si e atentado aki lo tin di haci cu e hecho cu pader Lampe lo bay forma parti di e Comision di Berdad y cu lo por tin persona of grupo cu ta trata di intimididad su persona.

Manera ta conoci cu siman pasa gobierno a confirma e informe di DIARIO na unda a worde menciona cu Sr. Elio Nicolas lo a worde apunta como presidente di e Comision di Berdad den cual tambe entre otro Pader Lampe lo asumi un puesto.

E comision mas bien a

worde institui debi cu Ministerio Publico a faya entre otro den un of mas investigacion durante gobernacion di e ultimo dos gobiernonan di AVP /OLA.

Durante ultimo eleccion partido MEP pa medio di su lider, a expresa cu e caso Radisson no a worde investiga manera mester ta y cual caso a laga basta pregunta habri y riba cual pueblo ta haya cu mester bin contesta riba nan.

Awor e comision lo a haya forza a base di un decreto cual ta sostiene e funcionamiento pa cu e investigacionnan cu lo ta bay tuma lugar riba corte plazo.

Posiblemente debi cu e rol cu entre otro pader Lampe lo bay hunga den e comision lo tin individuo nan cu lo a tira riba cas di su mayornan pa asina spanta balente.

Manera ta conoci, Pader Lampe nunca a dobla pa intimididad.

Awe den curso di dia lo busca mas informe relaciona cu e caso di tiramento y cu awendia mirando desaroyonan mundial cu a tuma lugar entre otro na Merca, por

worde cataloga como un acto di terrorismo y asina e caso ta bira uno hopi mas serio cu esnan cu a comete tal acto lo por a pensa ora cu nan a bay

tira riba cas di mayornan di pader Lampe.

Otro informacion relaciona cu pader Lampe ta muestra cu

e caso penal cu Ministerio Publico tabata tin pendiente contra dje aparentemente lo a keda suspendi.